

沅湘耆舊集前編

往歲余陳臬公皖時湘皋方
與修安徽通志余見其操
筆嚴慎心識之閱歲來藩
南楚湘皋亦歸就學博以所
增訂楚寶一書來質余曰若
之序刊風行海內矣嗣余去

楚有年從璽中移節重來
湘皋復以重訂楚寶求序會
余有江右之

命未果者已而湘皋送其子以如赴
朝試迂道過章門叩其行篋則
所訂之書在焉閱之詳審精

密凡原書罅漏舛謬者無不彌
補駁正於是楚中數千年之久
獻秩然無不可徵比歲余復奉
來楚湘皋喜余三莅此邦占楚人
有緣也復申前意友古人文
章經濟炳於當世者或以久而

暫晦、久則必復發其光、其
人之精神不散也、其間又必有
力能闡顯者起而任之、而其人
亦毋以不朽、湘皋、魯、一冷官、乃
於其鄉之巨人長德遺言、緒
論、兢、愛護、惟恐或失、既增

訂此書復纂輯資江耆舊沅湘
耆舊兩集其表章先哲不遺
餘力如此余以是歎渚宮難次
之典荆衡雲夢之奇不勝湮
沒又歎湘皋之生為不偶其用
力勤而收名遠雅不顯於時必

傳於後無疑也故因其請而
復爲之序

道光十九年歲次己亥嘉平
月長白裕泰序并書

湖以南水畱負田九江國策
曰五渚實則沅澧資湘四水
而巳資流長且大其力可獨
達洞庭而稱名則不及沅湘
之著湘卑居資上游乃綜
其地之賢士大夫與布衣

野老士女方外凡有詩可采

者輯為一編名曰資江耆舊

集起自明代至近日為卷六

十為人四百一十有一為詩四千

四百有奇先是陶文毅開雕

於金陵文毅亦資產也頃湘

臯以其書來質且乞余言
余謂古者太史陳詩以觀
民風故尤樂書教語以弁
簡端閱湘臯年來以輯沅
湘耆舊集將成其表章先
哲不遺餘力如此里僅資江

道光又望僅沅湘之幸哉
道光二十年歲次庚子秋七
月長白裕泰序并書

沅湘耆舊集敘

湘臯學博輯湖南詩爲二百卷旣成以示余湘臯資產也先是與陶文毅公有資江耆舊集之刻文毅亦資產也旣乃湘臯更推而廣之爲沅湘耆舊集富於前數倍湘臯之志抑亦文毅與湘臯相往復之志而未就者也溯湖南之水入洞庭者雖曰九江而東則湘水爲宗西則沅水爲長舉沅湘而湖南之水盡之四方之人知有沅湘不知有資今文毅旣已輝煌

天聽渥邀

宸翰光耀宇內矣四方之人因資江以思沅湘其神往於澧蘭沅芷之間者當不知何如昔太史公南浮沅湘而其

文疏宕多奇張燕公柳子厚入岳永而後文章悽惋激發
得江山之助況乎生長其閒涵泳於山川鍾毓之靈者哉
顧前明至今五百年來湖湘之閒名流著述不知凡幾而
遇剏前徽風雅之道闕焉未彰豈其時沅湘蘭芷之芬鬱
積而未發與抑亦修實者不求聞又乏表章之人而零落
於故紙陳篋之不知收拾者多與其事鉅則任之者難文
毅公盡一生之功名才知一發其奇於山水之閒湘臯盡
垂老之精力一發其奇於文字之勝其功足與山水相敵
而湘臯一官落拓宦橐蕭然搜剔零縑碎錦於數百年後
荒江寂寞之濱其力爲尤難也吁此吾楚之詩所以歷數
百年而未有表見於世與是集之成上自公卿下及閭壺

方外多者百餘篇少者數韻可謂發幽鬱於千秋振楚騷
之逸響矣至於才藝區分流品攸別則又因詩以考其人
論其世觀其出處師友之故得其性情心術之微而於孝
子忠臣高人逸士尤惓惓三致意焉回憶昔時寓居京邸
與文毅籌鐙旅館每爲予誇資水之勝文毅旣善談山水
而吾鄉之山水又適足動羈居旅客文人墨士之思於是
溯洄於梅峒萸峽芳風蘼川閒思一往讀其地之人之詩
以遇其人於山水之外今乃合沅湘數百年之孝子忠臣
高人逸士於茲集中遇之又有非前日意料所及者序此
以志吾楚之盛抑爲四方之士讀吾鄉耆舊集者幸也此
集斷自明初聞湘臯一往情深又將由明而上溯之以寄

其桑梓之情於不已然則吾鄉孝子忠臣高人逸士之幸
又豈有涯量乎哉道光二十三年春三月善化賀熙齡

刊沅湘耆舊集成因取兒子琮歷年所輯淇永前諸家詩
甄綜詮次始自晉宋暨於元代上而公卿下逮韋布旁及
閨閣釋道之流與夫仙鬼謠諺之說皆附凡得三百三十
家有奇詩二千二百三十餘首名曰沅湘耆舊集前編年
代繇邈闕逸必多就其所見裒而存之亦離騷以後懷麓
以前不可缺之典矣間有考證僭附琮案武子註經不廢
凱語長源修史亦用萃註老將眊及蒙稚何知向望大雅
君子諒其顛愚指其譌謬是所厚幸云道光二十有四年
歲次甲辰秋七月新化鄧顯鶴謹識於朗江講舍

目錄

卷第一

晉

羅君章含

陳

陰子堅鏗三十一首

卷第二

唐

歐陽率更詢二首

史監門青一首

劉水部復十六首

段處士宏古三首

張隱君復一首

劉拾遺蛻四首

潘進士緯二首

李濤

王璘

何涓

蔣鈞

蔣密

卷第三

李賀州邵六首

于進士鄴四十八首

張迴一首

陳光三首

劉贊一首

卷第四

李校書羣玉四十三首

卷第五

李校書羣玉一百一十一首

卷第六

胡從事曾一百六十二首

卷第七

曹正字松一百四首

卷第八

周處士朴七首

廖學士匡圖四首

廖彭澤凝三首

廖隱君融六首

廖節侯偃一首

路連州洵美一首

王正已一首

張觀一首

韋鼎一首

任鵠二首

王鼎一首

李韶一首

張子明一首

丁咸序一首

王揆一首

楊徽之一首

蔡昆一首

唐溫如一首

李歸唐一首

成幹一首

馬希振

蔣維東

胡權

曾弼

戴偃

張林

孟不疑

鄭翹

郭思

史瑜

卷第九

徐學士仲雅六首

劉學士昭禹十四首

李學士宏臯二首

何學士仲舉一首

鄧進士洵美一首

歐陽左丞彬一首

陸處士蟾三首

狄處士煥三首

劉魯風一首

徐蘭皋一首

衡山舟子一首

屈祠遊客一首

永州舜廟詩一首

無名氏七首

譚意歌一首

卷第十

方外名釋

釋寶掌二首

釋明瓚二首

懷素二首

隱山和尚二首

惟儼一首

龐蘊七首

景岑三首

護國一首

義哲一首

守安一首

大易一首

法振二首

清江一首

無可五首

名泰一首

可朋一首

墨域一首

修睦十首

元會一首

卷第十一

方外名釋

釋皎然十九首

釋貫休十一首

虛中四首

棲蟾八首

栖巖一首

乾康三首

卷第十二

方外名釋

釋齊己一百二十七首

卷第十三

方外名釋

釋齊已九十四首

卷第十四

方外仙道

黃敬一首

軒轅彌明二首

湘中老人一首

無名道士一首

方迴一首

盧侯二仙二首

蘇耽一首

馬明生三首

嚴起一首

呂祖師六首

張白二首

陸禹臣一首

吳通虛一首

沈道者一首

許碯二首

伊用昌三首

章江書生一首

樵夫一首

芒屨道人一首

劉元英一首

賣藥道人一首

南嶽仙二首

卷第十五

女仙神異

杜蘭香二首

魏夫人二首

羅郁三首

張潤玉四首

南溟夫人一首

羅襪仙子五首

洞庭君一首

錢塘君一首

柳毅一首

洞庭龍女一首

水府君五首

南嶽神一首

湘江神二首

湘中蛟女三首

湘君一首

湘夫人一首

曾城夫人一首

龍女一首

湘妃廟八首

湘妃三首

黃陵美人一首

商山三丈夫二首

巴陵館鬼一首

湘中女子一首

魚腹丹文一首

袁少年詩二首

白衣女子一首

胥偃一首

卷第十六

識記歌譜

玉牒文

雲陽山記

聖桃源記

衡嶽記

玉砂石刻

邵州石室文

王子思歸歌

湘江漁者歌

祝良求雨歌

劉壽求雨歌

綠蘿山歌

三洲歌

武陵人諺

南土謠

應后歌

邵州老農歌

乳穴謠

馬殷浚城石碣篆

馬希振葬地碣

沈彬壙篆

潘何詩賦語

益陽諺

昭潭謠

桂管童謠

湖南童謠

長沙童謠

湘中童謠

長沙童謠

古井銘

胡曾諧語

蔡押衙洞庭湖詩

巴陵雅

卷第十七

宋

曹監丞衍一首

伍主簿彬一首

潘桂州若冲三首

歐陽黃岡詹一首

畢侍講田十首

歐陽員外程一首

陳祕丞瞻一首

劉祕丞騭二首

朱侍郎昂一首

蔣進士緯一首

卷第十八

陶邕州弼三十七首

路司諫振三首

孫少卿頌一首

周駕部世南一首

狄主簿遵度三首

陳通判起一首

柳都官應辰二首

卷第十九

周子三十二首

周司封壽一首

周待制燾二首

何弄仲一首

卷第二十

蘇養直庠十七首

侯縣丞友彰一首

胡進士時中一首

鄧考功忠臣二首

黃太府誥二首

劉漕使次莊三首

彭提舉天益一首

朱桂陽輅二首

唐運判績二首

周御史裕二首

侯鈴轄延年一首

歐陽進士子槐一首

卷第二十一

侯藤州彭老二首

譚進士綸一首

王寧化觀國一首

吳武昌景偲一首

羅吏部孝芬一首

王宣撫以甯二首

謝法曹用賓一首

鄧轉運深

卷第二十二

李朝議長庚十五首

李舍人揆二首

姚教授宋佐一首

趙忠肅方三首

易尚書敞六首

王侍郎容一首

趙制置范一首

趙忠靖葵五首

趙建寧潛二首

卷第二十三

劉武子翰七首

胡好問景裕一首

唐德明人鑑一首

蔣充之擴一首

董道輔一首

李練溪儒用二首

鄒孝行輓五首

毛伯明友誠一首

方叔行輓二首

秦公肅噩一首

吳材卿必達一首

廖天民行之二首

賀童子德英三首

郭參政鳳二首

卷第二十四

雪磯先生樂雷發五十九首

卷第二十五

雪磯先生樂雷發八十五首

卷第二十六

李太常芮一首

何進士揚祖一首

變御史元淵二首

郭進士新一首

余舉人宏孫二首

李進士琳二首

蔡說一首

郭三聘一首

趙楷一首

王壺一首

莊審節一首

丁叔巖一首

歐陽慶甫一首

周光猷一首

吳松一首

吳虎一首

鄧燦一首

劉浚一首

洞庭老人一首

瀟湘漁父一首

仙人橋石刻一首

幕阜山詩一首

無名氏六首

卷第二十七

忠義遺尺

李忠節公芾一首

陳節士子全一首

趙節士淮一首

魯逸老仕能

梁遺民棟二十六首

王聖與夢應五首

唐清父涇四首

尹希呂謙孫一首

丁復見開四首

鄧德父希恕二首

吳鉞

李應春

羅太岳

羅大亨

王南美一首

瀟湘漁父一首

卷第二十八

閨閣名媛

易山齋妻一首

趙信庵姬一首

韓娥二首

徐君寶妻一首

卷第二十九

方外名釋

僧祖可十一首

釋顯萬七首

釋文政一首

釋惠崇一首

釋省回一首

釋斯植六首

釋懷志一首

釋谷泉一首

德止一首

佛慧一首

大椿一首

紹珏一首

長修一首

釋道璨一首

蜀僧一首

湘僧一首

文喜

卷第三十

方外名釋

釋惠洪四十首

卷第三十一

道流仙鬼

陳田夫二首

盛曠一首

曹道冲一首

皇甫渙一首

李思聰一首

羅道成三首

邵琬一首

張虛白一首

張白膠一首

白玉蟾二首

瀟湘子一首

眞一子一首

徐釣者一首

醉道人一首

回先生五首

無上宮主一首

何仙姑一首

桃源三夫人三首

湘妃廟神一首

潭州女子一首

圓澤一首

趙淮一首

天篆山鈴碑文

已下金石歌篇

大淩峯鐘銘

桃源石刻

蘇幼常

盤歌

四聲謠

將陵語

真西山語

卷第三十二

元

歐陽文公元二十二首

卷第三十三

歐陽文公元八十六首

卷第三十四

馮待制子振八十三首

卷第三十五

陳主簿泰三十三首

卷第三十六

文太常矩九首

馬教授熙四十九首

卷第三十七

胡傲軒天游五十四首

卷第三十八

胡傲軒天游五十四首

卷第三十九

湯教授彌昌三首

李舉人邦彥一首

馮提舉福可一首

楊待制輅八首

鞠宜都志元二首

余進士觀四首

余御史嘉賓五首

楊常寧子春一首

歐陽訓導子敬一首

余巡檢岐一首

許元信一首

李祐一首

劉盪儀二首

羅大珣一首

張翔一首

陳楚春

無名氏一首

李純道一首

僧圓至一首

已下僧道
神女諸諺

妙鑠一首

定林祖師一首

靈應觀石壁一首

楊道圓一首

盤陀神女一首

便河謠

柳侯頌

卷第四十

帝遠先生李邴七十五首

沅湘耆舊集前編目錄終

沈氏著集前編卷第一

新化 鄧顯鶴 子立審編

男琮謹輯

晉

羅君章含

含字君章桂陽耒陽人曾祖彥臨海太守父綏榮
陽太守君章少孤爲叔母朱氏所養少有志尙嘗
畫臥夢一鳥五色文彩異常飛入口中因驚起說
之朱曰鳥有文彩汝後必文章名世由是藻思日
新弱冠辟三州不就後爲郡功曹刺史庾亮以爲
部江夏從事太守謝尚與爲方外之好嘗稱曰羅

君章可謂湘中之琳瑯尋轉州主簿桓溫臨州又
補征西參軍轉州別駕以廨舍喧擾於城西池小
洲上立茅屋伐木爲牀纖葦爲席而居布衣蔬食
晏如也溫嘗與僚屬讌會君章後至溫問衆坐曰
此何如人衆曰可謂荆楚之材溫曰此自江左之
秀豈惟荆楚而已徵爲尙書郎溫雅重其才又表
轉征西戶曹參軍俄遷宜都太守溫封南郡公引
爲郎中令屢遷散騎常侍侍中轉廷尉長沙相年
老致仕加中散大夫門施行馬初君章在官舍有
一白雀棲集堂宇及致仕還家庭階忽蘭菊叢生
人以爲德行之感卒年七十七所著文章多佚惟

湘中記猶時見古籍稱引今拾記中語畧著於篇
亦風騷之遺迹脈邈之餘音爲數典者不能忘也

湘中記

帆隨湘轉望衡九面 青巖若點黛素湍如委練 湘川
清照五六丈下見底石如檣蒲 白沙如霜雪赤崖若朝
霞

陳

陰子堅鏗 三十二首

鏗字子堅南平人仕梁爲湘東王法曹行參軍陳
天嘉中爲始興王中錄事參軍累遷晉陵太守員
外散騎常侍卒子堅之先爲武威姑臧人自其高

祖襲晉義熙末隨宋武帝南遷至南平因家焉子
堅祖知伯與武帝有舊父子春皆仕至梁秦二州
刺史卒於江陵陰氏家南平蓋已五世矣梁陳二
書及南史各傳皆無異詞陳振孫書錄解題直書
曰南平陰鏗不復言祖貫矣考宋書州郡志南平
內史吳南郡治江南領江陵華容諸縣晉武帝太
康元年分南郡江南爲南平郡治作唐卽今之安
鄉隸澧州子堅之爲澧州人無可疑者方志陋習
每牽引外來名人以爲重此獨見遺自來談楚故
者亦不之及湖南通志竟不爲立傳豈文獻通考
亦未見耶子堅五言詩本爲當時所重世稱陰何

今錄所見爲一卷冠前而之首亦談藝者所必生

也文獻通考經籍考陰鏗集一卷陳氏曰陳散

李侯有佳句往往似陰鏗今考之未見鏗之所以

似大白者太白固不易似也子美云爾殆必有說

尤善五言詩爲當時所重初鏗嘗與賓友宴飲見

行觴者因回酒炙以授之眾坐皆笑鏗曰吾儕終

日酣酒而執爵者不知其味非人情也及侯景之

亂鐸當爲賊禽或救之獲免鏗問之乃前所行觴

者陳文帝嘗宴羣臣賦詩徐陵言之帝即日召鏗

預宴使賦新成安樂宮鏗援筆便就帝甚歡賞之

有文集三卷行於世松石軒詩評曰陰鏗體用

兼優神采融徹辭精意微名之弗泯也少陵以太

白比之曰李侯有佳句往往似陰鏗東觀餘論曰

陰鏗風格流麗與考穆子山相長雄乃沈宋近體

之性輪也采菽堂古詩題陰子堅詩聲調既亮

無齊梁陶澀之習而琢句拙思務極新雋尋常景

物亦必搖曳出之務使窮態極妍不肖直率此種

清思更能運以亮筆一洗玉臺之陋頓沈宋之

風目覺比玉臺則特妍校沈宋則尤媚六朝不淪

於晚唐者全賴有此大雅君子振起而維挽之宜
乎太白仰鑽少陵推詩揅塗之闕此功不小也後
人評覽古詩不詳時代妄欲以漢魏望之此既不合及
體漫曰此是五古遂欲以初盛律擬之彼又不倫因
見其漸類唐調又欲以六朝之詩自成一體可耳
妄曰六朝無詩否亦曰六朝之詩自成一體可耳
概以爲是卑靡者未足與於風雅之列不知時各
有體體各有妙况六朝介於古近體之閒風格相
承神爽變換中有至理不盡心於溫厚之音故梁陳
古詩而不可入自多俚率凡近於溫厚之詩尤當識其正宗則子
之詩不可不讀讀梁陳之詩尤當識其正宗則子
堅其體亦有妙境且容不詳今後律脫換所由就
此一體亦有妙境且容不詳今後律脫換所由就
如子堅詩至是妙境且容不詳今後律脫換所由就
三謝後此則沈宋岑王李杜凡諸名家神調本台
各因時異質地皆然或素或青夏造殷因不可指
周文而笑夏質執夏質以廢周文也又云子堅詩
如春風披肩時花弄色好鳥關聲媚秀鮮柔一景
百媚無非和氣之所布娛目接
耳使人神情洋洋不覺自樂

渡青草湖

洞庭春潮滿 平湖鉤帆張
沅水桃花色 湘流杜若香
穴去茅山近 江連巫峽長
帶天澄迴碧 映日動浮光
行舟逗遠樹 度鳥息危檣
滔滔不可測 一葦詎能航

和侯司空登樓望鄉

懷土臨霞觀 思歸想石門
瞻雲望鳥道 對柳憶家園
寒田獲裏靜 野日燒中昏
信美今何益 傷心自有源

廣陵岸送北使

行人引去節 送客艤歸艫
卽是觀濤處 仍爲郊贈衢
汀洲浪已息 邗江路不紆
亭嘶背檣馬 檣轉相風烏
海上春雲雜 天際晚帆孤
離舟對零雨 別渚望飛鳧
定知能下淚 非

但一楊朱

原詩亭嘶二句生動

江津送劉光祿不及

依然臨送渚長望倚河津鼓聲隨聽絕帆勢與雲隣泊處
空餘烏離亭已散人林寒正下葉釣晚欲收綸如何相背
遠江漢與城闔

原評中六句語語有致是惆悵不及意

和傅郎歲暮還湘州

蒼茫歲欲晚辛苦客方行大江靜猶浪扁舟獨且征棠枯
絳葉盡蘆凍白花輕成人寒不望沙禽迴未驚湘波各深
淺空軫念歸情

開善寺

驚嶺春光遍王城野望通登臨情不極蕭散邀無窮鶯隨
入戶樹花逐下山風棟裏歸雲白窗外落葉紅古石何處

以枯樹幾空淹留昔未及幽桂在芳叢

行經古墓

偃松將古墓年代理當深表柱應堪燭碑書欲有金迴墳
山路毀荒隨受田侵罪罪野霧合昏昏隴日沈懸劍今何
在風楊空自吟

原評表柱二句何其古雅受字亦佳

和登百花亭懷荆楚

江陵一柱觀潯陽千里潮風煙望似接川路恨成遙落花
輕未下飛絲斷易飄藤長還依極荷生不避橋陽台可憶
處惟有暮將朝

原評落花二句詩情亦復游颺

新成安樂宮

新宮實壯哉雲表望樓臺迢迢翔鵬仰連翩賀雀來重檐

寒露宿丹井夏蓮開砌石披新錦梁花盡早梅欲知安樂
盛歌管雜塵埃原評胡元瑞詩數曰此詩氣象莊嚴格調
鴻整平顯上尾入病成除切響浮聲五音
並協實百代
近體之祖

班婕妤怨

栢梁新寵盛長信昔恩傾誰謂詩書巧翻爲歌舞輕花月
分窗進苔草共堦生接淚衫前滿單眠夢裏驚可惜逢秋
扇何用合歡名原評花月分
窗進句新妍

蜀道難

王尊奉漢朝靈關不憚遙高岷長有雪陰樓屢經燒輪摧
九折路騎阻七星橋蜀道難如此功名詎可要

奉送始興王

良守別承明枉道暫逢迎去帆收錦紉歸騎指蘭城紛糺
連山晴潄潄派水清桂晚花方白蓮秋葉始輕背飛傷客
念臨岐憫聖情分風不得遠何由送上征

渡岸橋

畫橋長且曲傍險復憑流寫虹晴尙飲圖星畫不收跨波
連斷岸接路上危樓欄高荷不及池清影自浮何必橫南
渡方復似牽牛

原許寫虹
三句作致

遊始興道館

紫臺高不極清谿千仞餘壇邊逢藥銚洞裏閱仙書庭舞
經乘鶴池遊被控魚稍昏蕙葉斂欲暝槿花疏徒教斧柯
爛會自不淺虛

原評謂必作致猶是魚鶴加
被控經乘字自有致結亦警

閒居對雨

蘋藻降靈祇聰明諒在斯觸石朝雲起從星夜月離八川
奔巨壑萬頃濫澄陂綠野含膏潤青山帶濯枝嘉禾方合
穎秀麥已分岐寄語紛綸學持竿詎必知

原評觸石二句
雅對句押離字

尤雋典雅語更
以新雋爲佳

和樊晉陵傷妾

畫梁朝日盡芳樹落花辭忽以千金笑長作九泉悲鏡前
塵劇粉機上綢多絲戶餘雙入燕牀有一空帷名香不可
得何見返魂時

原評荒
涼悲切

晚出新亭

大江浩蕩離悲足幾重潮落猶如蓋雲昏不作峯遠成

暗閉雲山但見松九十方稱半歸途詎有蹤

晚泊五洲

客行逢日暮結纜晚洲中戍樓因嵯險村路入江窮水隨

雲度黑山帶日歸紅遙憐一柱觀欲輕千里風

原評凡寫景寫色能

令極鮮濃乃佳五六得此妙祕

遊巴陵空寺

日宮朝絕磬月殿夕無扉網交雙樹葉輪斷七鐙輝香盡

廬猶覆幡塵畫漸微借問將何見風氣動天衣

侯司空宅詠妓

佳人遍綺席妙曲動鴟弦樓似陽臺上池如洛水邊鶯囀

歌扇後花落舞衫前翠柳將斜日俱照晚粧鮮

原評五六盛唐佳句

流麗自然

經豐城劍池

清池自湛澹神劍久遷移無復連星氣空餘似月池夾篠
澄深渌含風結細漪唯有蓮花萼還想匣中雌

西遊咸陽中

上林春色滿咸陽遊俠多城斗疑連漢橋星象跨河影裏
看飛轂塵前聽遠珂還家何意晚無處不經過

觀釣

澄江息晚浪釣侶桡輕舟絲垂遙濺水餌下暗通流歌聲
時斷續機影乍橫浮寄言濯纓者滄浪終滯游

橫浮畫不能盡橫字佳

原詩三四
聯俱用影

詠石

天漢支機罷仙嶺博棊餘零陵舊是燕昆池本學魚雲移
蓮勢出苔駮錦紋疏還當穀城下別自解兵書原許通首
思恭詠物但對仗精工彼已不及若
五六好句則二家百篇中無此一語

侍宴賦得夾池竹

夾池一叢竹垂翠不驚寒葉醞宜城酒皮裁薛縣冠湘川
染別淚衡嶺拂仙壇欲見歲華色當來兔苑看

雪裏梅花

春盡寒雖轉梅舒雪尙飄從風還共落照日不俱消葉開
隨足影花多助重條今來漸異昨向晚判勝朝原評從風
兩物令極縹渺筆
括仙姿結亦倩

閒居對雨

琮案已下四首均見淵鑑類函

四溟飛旦雨三徑絕來遊
震位雷聲發離宮電影浮
山雲遙似帶林葉近成舟
茅檐下亂滴石竇歌環流
寄言一高士如何夢不收

南征閨怨

湘水舊言深征客理難尋
獨愁無處道長宵不自禁
逢人憎解佩從來懶聽音
唯當有夜鵲南飛是妾心

秋閨怨

獨眠雖已慣秋來只自愁
火籠恆煖腳行障鎮牀頭
眉含黛俱淺曉將粉共流
誰能無限別唯守一空樓

試得神仙

羅浮銀是殿瀛洲玉作堂朝遊雲暫起夕餌菊恆香聊持
履成燕戲以石爲羊洪崖與松子乘羽就周王

五洲夜發

已下二首
見古詩紀

夜江霧裏闌新月迴中明溜船惟識火驚覺但聽聲勞者
時歌榜愁人數問更

詠雀

依池屢獨舞對影或孤鳴乍動軒墀步時轉入琴聲

沅湘舊集前編卷第一終

沈湘耆舊集前編卷第二

新化 鄧顯鶴 子立審編

男琮謹輯

唐

歐陽率更詢 二首

詢字信本潭之臨湘人今長沙縣祖顓陳山陽郡公謚

穆子父紇襲封山陽公廣州刺史以反誅誅當從

坐匿而免江總以故人子私養之信本貌腹悅敏

悟絕人總教以書記每讀輒數行同盡遂博貫經

史仕唐爲太常博士高祖微時引爲賓客及卽位

累遷給事中武德七年詔與裴矩陳叔達撰藝文

類聚一百卷貞觀初歷太子率更令宏文館學士
封渤海男卒年八十五率更好書初倣右軍而險
勁過之因自名其體尺牘所傳人以爲法高麗嘗
遣使求之帝歎曰彼觀其書固謂形貌魁梧耶嘗
行見索靖所書碑觀之去數步復返及疲乃布坐
至宿其傍三日乃得去其所嗜類此又常讀書長
沙之臨湘鄉有山名書堂山山頂有洗筆池池水
常黑子通儀鳳中累遷中書舍人居母喪詔奪哀
毋入朝徒跣及門夜直藉藁以寢非公事不語還
家輒號慟年饑未克葬居廬四年不釋服冬月家
人以羶絮潛置席下通覺卽徹去累遷殿中監封

渤海子書亞於父號大小歐陽體率更父子皆工書而無詩今僅得率更二首

大唐新語長孫無忌嘗戲嘲詢曰鸞鵲成

山字埋肩不出頭誰家麟閣上畫此一獼猴詢應聲答云索頭建脊暖慢稽畏壯寒只由心渾渾所

道失

以面圓圍太宗笑曰汝不畏皇后耶無忌后之弟也案此同嘲宋國詩均見全唐詩譜

已惑孔貴嬪又被辭人侮花牋一何榮七字誰曾許不下

結綺閣空迷江令語瑯戈動地來誤殺陳後主

唐音統籤云此首見

戲鴻堂帖

嘲宋國公蕭瑀

宋公蕭瑀不解射九日太宗賜射瑀

謂瑀曰此口十字章疏也瑀由是與詢有隙

急風吹緩箭弱手取強弓欲高翻復下應西還更東十迴

俱著地兩手並擎空借問誰爲此多應是宋公

史監門青一首

青零陵人聰敏強記開元初上書自薦能詩且云
子建七步臣五步之內可塞明詔明皇試以除夕
上元竹火籠等詩應口而出上稱賞授左監門衛
將軍今存詩一首

應詔賦得除夜

今歲今宵盡明年明日催寒隨一夜去春逐五更來氣色
空中改容顏暗裏回風光人不覺已著入一作後園梅

劉水部復十六首

復大歷閒登進士第官水部員外郎全唐詩不詳

其里貫存詩十六首楚風補錄其送王倫詩玩詩
語意固湘人也今仍楚風補錄入案全唐詩中多
有不著籍貫而其詩往往類湘人者如裴說詩一
卷多湘中作全唐詩說亦無里貫蜀人李調元全
五代詩以爲桂州人是已此外如李咸用譚用之
輩均不言何地人咸用詩至多其湘浦有懷起句
云鴻雁哀哀動朔方餘霞影盡瀟湘落句云儂
家本是持竿者爲愛明時入帝鄉和人湘中作起
云湘川湘岸兩荒涼孤雁號空動旅腸結云不及
東流趨廣漠臣心日夜與天長又旅館秋夕云牢
落生涯在水鄉只思歸去泛滄浪非湘人而何至

秋日送嚴侍御歸京云蟾影珪圓湖始波楚人相
別恨偏多則明明自署楚人矣譚用之有憶南中
詩云碧江頭與白雲門別後秋霜點鬢根長記學
禪青石寺最思共醉落花村林閒竹有湘妃淚窗
外禽多杜宇魂未棹扁舟重回首采薇收橘不堪
論又江邊秋夕云曲內橘香江客笛字中嵐氣嶽
僧書送僧中孚南歸云一錫冷涵蘭徑路片帆香
挂橘洲煙其秋宿湘江遇雨一詩則村塾選本皆
有人人能道者尋其語意欲不謂之湘人不得也
緣諸人工詩不第不見重於鄉里久之遂無得知
爲湘人爾今不敢遽定而發其端於此以待後人

之考證云

遊仙

稅駕倚扶桑逍遙望九洲二老佐軒轅移戈戮蚩尤功成
棄之去乘龍上天遊天上見玉皇壽與天地休俯視崑崙
宮五城十二樓王母何窈眇玉質清且柔揚袂折瓊枝寄
我天東頭相思千萬歲人運浩浩悠悠安用知吾道日月不
能周寄音青鳥翼謝爾碧海流

寺居清晨

高枕對曉月衣巾清且涼露華朝未晞滴瀝含虛光隔竹
聞汲井開扉見焚香幽心感衰病結念依法王青冥早雲
飛杳靄空鳥翔此情皆有釋悠然知所忘

出東城

步出東城門獨行已徬徨伊洛泛清流密林含朝陽芳景
雖可矚憂懷在中腸人生幾何時冉冉隨流光願得心所
親尊酒坐高堂一爲浮沈隔會合殊未央雙戲水中鳬和
鳴自翔翔我無此羽翼安可以比方

經禁城

日沒路且長遊子欲涕零荒城無人路秋草飛寒螢東南
古丘墟莽蒼馳郊垆黃雲晦斷岸枯井臨崩亭昔人竟何
之窮泉獨冥冥蒼苔沒碑版朽骨無精靈俛仰寄世間忽
如流波萍金石非汝壽浮生等臊腥不如學神仙服食求
丹經

出三城留別幕中三判官

羽禽託高柯倦客念主人恩義有所知四海同一身況皆
曠大姿翰音見良辰陳規佐武畧高視據要津常願投素
誠今果得所申金罍列四座廣廈無氛塵留連徂暑中觀
望歷數旬河山險以固士卒勇且仁飭裝去未歸相追越
城闕愧無青玉案緘佩永不泯

送劉秀才南歸

鳥嘯楊柳垂此別千萬里古路入商山春風生灞水停車
落日在罷酒離人起蓬戶寄龍沙送歸情詎已

送王倫

春江日未曛楚客酣送君翩翩孤黃鶴萬里滄洲雲四方

各有志豈得常顧羣山連巴湘遠水與荆吳分清光日修
阻尺素安可論相思寄夢寐瑤草空氣氤

長相思

長相思在桂林蒼梧山遠瀟湘深秋堂零淚倚金瑟朱顏
搖落隨光陰長宵啼鴻命侶河漢蒼蒼隔牛女甯知一
水不可渡況復萬山修且阻綵絲織綺文雙鴛昔時贈君
君可憐何言一去瓶落井流塵歇滅金爐前

長歌行

淮南木落秋雲飛楚宮商歌今正悲青春白日不與我常
壚舉酒勸君持出門驅馳四方事徒用辛勤不得意三山
海底無見斯百齡世閒莫虛棄君不見金城帝業漢家有

東顧諸侯欲長久
英雄竊命風塵昏
函谷重關不能守
龍蛇出沒經兩朝
胡虜憑陵大道銷
河水東流宮闕盡
五陵松柏自蕭蕭

春遊曲

春風戲軟斜相見
莫愁家細酌蒲桃酒
嬌歌玉樹花裁衫
催白紵迎客走朱車
不覺重城暮爭栖柳上鴉

雜曲

寶劍飾文犀
當風似切泥
逢君感意氣
貰酒杜陵西
趙女顏驕少
宛駒齒正齊
嬌多不肯別
更待夜烏啼

春雨

細雨度深閨
鶯愁欲嬾啼
如煙飛漠漠
似露溼淒淒
草色

行看靡花枝暮欲低曉聽鐘鼓動早送錦障泥

夕次襄邑

何處成吾道經年遠路中客心猶向北河水自歸東古戍
飄殘角疏林振夕風輕舟難載月那與故人同

夏口

映日紗窗深且閑含桃紅日石榴殷銀瓶綆轉桐花井沈
水煙銷金博山文簾象牀嬌倚瑟綵匳銅鏡嬾拈環明朝
戲去誰相伴年少相逢狹路閒

送黃曄明府岳州湘陰赴任

擬占名場第一科龍門十上困風波三年護塞從戎遠萬
里投荒失意多花縣到時銅墨貴葉舟行處水雲和遙知

布惠蘇民後應向祠堂弔汨羅

禪門寺暮鐘

箕旗高懸于蜀鐘黃昏發地殷龍宮遊人憶到嵩山夜登閣連樓滿太空

段處士宏古 三首

宏古安鄉人剛峭寡合不事產業不交非義年五十不能祿呂溫守道州嘗客焉後謁竇羣容州歿

旅舍柳宗元爲誌其墓并祭以文有詩三首

子厚撰宏

古墓誌銘段處士宏古讀縱橫書剛峭少合尤落不事產人或交之度非義輒去以故年五十不就祿嘗以法家言抵卸史大夫何士幹延以上座將用之會士幹死聞襄陽節度使于頔愛人大言遂干以兵畫一見齊甚居月餘頔終不可與立功又遁去隲西李景儉東平呂溫高氣節尙道義聞

其名求見大權階門下或一歲或半歲與言不知
日出溫卒景儉遽前拾遺張宿與然諾南見中山
劉禹錫河東柳宗元二人者言於御史中丞崔公
時降詔永州知其信賢徵其去又南抵好義容州
扶風竇羣途過桂桂守舊知君拒不爲禮君憤怒
發病不甯治日平生見大人未嘗相下今窮於此
年如老接防無所容益困於俗笑吾安用生爲埋
道邊耳居六月死逆旅中崔公爲出涕命特贈賻
致其喪來永州哭爲祭之與喪具道里費葬豐州
安鄉縣黃山南麓上子知微知章皆未冠銘曰廉
不貪直不倚困者吾之通者不以不懲其賤卒以
亢死觀遊非類有賤非鄙何以葬之黃山南陞
全唐詩話段宏古一作洪古安鄉秀才羅淑段
洪古傳洪古安鄉黃山人柳子厚志其墓又祭以
文畧云經經以終堅不可磨游得其仁友擇其益
始如可進終會於厄又曰杜持來辱備聞嘉言宵
會北堂書宴南軒去適於越不日其旋載除我居
望再北轅今耆之來丹旂有翩閱茲英志限此中
幸居實斯費有子而幼就云履信惟天所祐觀子
厚之於洪古可謂密友誌中不言及詩文或不愛
於風雅耶然而剛毅之性不貪不倚亦足以想其
人之生平矣今其墓不可考然而洪古之名則與

黃山何不利矣嗟乎元和至今將千有餘歲迄今
獨傳一洪古則知爲士者非行誼文章必不足以
壽其姓字若夫建功業以垂聲後世則遇合
存乎人不可必也人亦爲其可必者而已

秋懷

野澗平收潦水香園林恰似鄭公鄉
嬾雲未許寒風捲落葉從他零露傷
夜靜猿聲添客淚朝開雁字引詩狂
生涯不共秋光老濁酒丹經一釣航

孤竹

亭亭骨屹短牆顛搖曳空明漾素妍
帶雨微添寒鶴淚凌霜不受野雲憐
老松立地同高節芳草何心用謫仙
抱此孤根滋九畹青山一道送流泉

奉陪呂使君

一作郎中

樓上夜

一本下有把火二字

看花

城上芳園花滿枝城頭太守夜看時爲報林中高舉燭感
人情思欲題詩

附因衡州夜後把火看花留客詩云紅芳暗落碧
池頭把火遙看且少留半夜忽然風更起明朝不
復上南樓

張隱君復一首

復澧州人性癖書作條山集三十卷論世外事兼
得鬼神趣隱居不仕見龍城錄元和中人

山出雲

元和元年試題

山靜雲初吐霏微觸石新無心離碧岫有意占青春散
如虹氣輕同不讓塵淩空還似翼映澗欲成鱗異起臨汾
龍凝隨出峽神爲霖終濟旱非獨降賢人

劉拾遺蛻 四首

蛻字復愚長沙人大中四年進士及第咸通中官

左拾遺以論令狐楚子瀹恃權納貨貶華陰一作山陽

令有文泉子一卷復愚學有根砥毅然以復古自

任爲文原本揚雄多奇奧與元結樊宗師伯仲其

論令狐瀹一疏風骨棱棱宜其文之拔俗千尋也

復愚矜於爲文而詩不見爲登其文冢銘以見一

斑又全唐文有弔屈原辭亦見古文苑并錄朝四國

庫全書總目提要文泉子集一卷前有自序曰自

褐衣以後辛卯以來辛丑以前收其微詞屬意古

今上下之閒者爲內外篇復收其怨抑頌記嬰於

仁義者雜爲諸篇焉物不可以終雜故離爲十卷

離則名之不絕故授之以爲文泉蓋覃以九流之

旨曰文配以不竭之義曰泉崑谷結珠璣珠則將

救之雨雷亢桑盛乾則將救之豈託之空言哉觀
其命名之義自負者良厚其文豕銘最爲世所傳
他文皆原本場雄亦多奇奧險於孫樵而易於樊
宗師大旨與元結相出入欲挽末俗反之古而所
謂古者乃多歸宗於老氏不盡協聖賢之軌又詞
多悲憤亦非仁義藹如之旨然唐之末造相率爲
繁組俳儷之文而蛻獨毅然以復古自任亦可謂
特立者矣高彥休唐闕史載蛻能辨齊桓公盜之
僞其學蓋有根柢舊唐書令狐綯楚傳載咸通二
左拾遺劉蛻極論令狐綯子瀉恃權納貨之罪坐
貶華陰令則蛻在當時本風裁矯矯宜其文之拔
俗也集十卷今已不傳此本爲崇禎庚辰閩人韓
錫所編僅得一卷蓋從文苑英華諸書探出非其
舊帙捃備唐文之一家姑見崖畧云王定保唐
摭言曰唐荊州衣冠數澤每歲解送舉人多不成
名號曰天荒解劉蛻舍人以判解及第號爲破天
荒時崔魏公作鎮以破天荒錢七十萬資蛻蛻謝
書畧曰三十年來自是人廢一千里外豈曰天荒
陳振孫書錄解題文泉子唐中書舍人長沙劉
蛻復思撰自爲序云覃以九流之旨曰文配以不
竭之義曰泉有文豕銘甚奇大中四年進士其爲
西掖在咸通時琮案摭言載劉纂者商州劉蛻之

子又孫光憲北夢瑣言載劉蛻桐廬人宣至平廣
舍人有從其父命死不祭祀一事四庫總目或
疑為別一劉蛻是也考文冢在梓州卽今潼川出
復思貶山陽令時寓居潼川垂老瘞文潼之免率
寺射洪屬潼川故又以爲射洪人蛻以荆解及第
文冢自稱長沙其爲長沙人萬無可疑者楚寶以
爲蛻舉進士其父戒之曰任汝舉進上取窮之與
達不望於汝吾歿後慎勿祭祀乃乘扁舟以漁釣
自娛竟不知其所適蛻臨終亦戒其子纂如先考
之命由是觀之蛻父子泛宅爲家隨地皆可繫藉
其素願然也斯言得之矣

文冢銘并序

文冢者長沙劉蛻復愚爲文不忍棄其草聚而封之也
蛻愚而不銳于百工之技天不工蛻也而獨文蛻焉故
飲食不忘於文晦冥不忘於文悲戚怨憤疾病嬉遊羣
居行役未嘗不以文之爲懷也適當無事而天下將以

文爲號文明代生植明晦皆効文用故日月星辰文乎
旂常魚蟲鳥獸文乎彝器徐方之土文于侯社夏翟之
羽文於旗旄登龍於章升玉於藻百工婦人雕礪染練
以供宗廟祭祀之用豈獨蛻也生知効用不及時文哉
然而意嘗獲助於天而不獲助於人故其窮雖窮無憾
也當勤意之時不敢噓不敢咳不敢唾不敢跂倚嗜欲
踈競忘之於心其祇祇畏畏如臨上帝故有榮如星光
如貝氣如蛟宮之水又有黠如屯雲如久陰如枯腐熬
燥之色則有如春陽如華川逶逶迤迤則有如運海如
震怒動蕩怪異夫十爲文不得十如意少如意則豈非
天助乎常欲使天下聞之而必行勸之而必蹈散之茫

并以爲道演之浸潤以及物然後農文之使風雨以時
兵文之使戎寇以順文於野文於市使得其所幽隱之
士以出口者使之言材者使之用然而自振者無力終
知者甚稀豈非不獲於人助乎嗚乎十五年矣實得一
千一百八十紙有塗者乙者有注楷者有覆背者有硃
墨圈者於是以周易筮之遇復之同人筮者曰鳴於地
中殷殷隆隆七日不復復來其天下昭融乎他日更召
龜而令之將聽襲吉卜於火如秦兆惟曰不吉卜於水
不成乎河洛兆則亦惟曰不吉卜於木而闕闕土叶吉
累累爲冢則汲之兆乎峭峭爲壁則魯之兆乎且其占
曰土之文爲阿山爲華英將不崩不竭爲滋味而傳乎

結爲邱陵爲其設險乎融爲川嶺率其朝宗乎華爲百
穀以潔祭禮之粢盛乎不然使其速腐爲墟壤生芻橐
以食牛羊乎化塗泥爲甄陶以作器乎將塊爲五色而
分封茅社乎流爲藥爲土鼓爲古桴以泄其和聲乎夷
爲都邑以興宮廟坎爲滂池以澤生植乎祀爲壇壝乎
歟爲井墓乎吾皆不得而知也常旣不得爲吾用惟速
化爲百工之用慎毋朽爲芝菌以怪人自媚慎毋堅爲
金鐵以作貨起爭慎毋滴爲醴泉以味乎諂口慎毋持
爲城社以狐鼠憑妖慎毋聳爲良材以雕斲傷性慎毋
萌爲蘭茝以佩服見褻嗚乎介而爲石使之服言舒而
爲蟪使之飲泉旣而他年遊魂之未返者亦命巫以巾

三招之號曰在几閣而來歸兮視不汝醜在口吻而來
歸兮譽不汝久噫筆絕之年而麟見崇文其無祟乎舍
非珠玉斂無裙襦後世詩禮之儒無驚吾之幽墟其豕
也在莽蒼之野大塊之邱時大唐大中之丁卯而戊辰
之季秋銘云

文乎文乎有鬼神乎風水維貞將利其子孫乎

弔屈原辭三章 并序

吁三閭大夫之事司馬相如班孟堅各有言蛻不載故
也噫大夫之賢懷王之事蛻得之涕泗下衣濡豪瀝辭
噫大夫之爲臣千萬年其誰肖宋玉淮南王劉向東方
朔王褒繼有悼語蛻一小儒也思賢人之作悲疇人之

倭若弔屈原辭三章弔公之志也雨濛湘波浮檝搖歌
既而悲伸紙波辭祈公兮采之

哀湘竹

悵二妃之淚竹圓紅滴滴兮臨平湮沚竦枝與修幹兮吟
哀風之不已搖勁節而錦舒兮垂高蔭而自美招翔鸞之
與翠鳳兮緝晴霞之數里繁柯重乎舜祠兮瘦影疊乎湘
水諒高節之自任一作佳兮匪庭篠之云比鄙眾蔭之延接
兮恥凡羽之棲止入清溪之浪聲兮無笙簧之相擬恨葉
翻波兮騷屑之風露滴煙蒙兮濯纓之子悵靈均之節兮
依然想貞發兮千年若此

卜清江

清江之上兮心夷猶清江之下兮煙波浮風軟雨絲兮湘
波高雲昏竹暗兮鬼神愁遠霞開兮鳥文苑作鳥帆隨碧江平
兮歸櫂移帶隱虹兮衣凝雲披一作被薜荔兮扈江蓠歲華
高兮水東注秋色下兮紅蘭渡瓠觚合兮荆和喪岐鳳翔
兮龍媒去又曰心既潔兮道雲端水之汲兮人之無字波
瀾浪可平兮人心不可平波瀾一翻兮孰測其情水之深
兮不曰深悵前恨兮淚沾襟

招帝子

招湘靈兮澄瀾之渚雲蔽煙沈兮明月之浦唱宵歌兮撫
雲璫擊鳴榔兮薦清醕鸞去鳳飛兮雲不歸九疑疊翠兮
橫湘雨颭輕颺兮揚微波激楚怨兮下湘娥羅綺蓋兮集

前編卷第二

三

雲壇潔桂席兮紉芳一作莫椒蘭霞為裳兮瓊為珮舉雲旗兮

持風幡若有來兮窸窣敲懸珂兮珊瑚張孔蓋兮臨瑤臺

月凝袖兮雲裁冠目眇眇兮千里春煇一作恨無言兮蒼梧

濱賤蕙帶兮握芳芬撫一作拂瑤琴一作瑟兮淚斑簪乘桂華

兮下清湘拖無一作金波兮涉滄浪一作茫九疑之翠兮不可

尋懷沙之水兮恨之深

附錄復恩為拾遺時論令狐滈納李琢賄疏臣伏
見新除左拾遺令狐滈大中之時其父執政傳家
乏子弟之法布衣干宰相之權瘡痍者莫匪浮僧
進拔者悉皆有謂凡四方節鎮饋同交關三署官
司精專與奪潛行遊宴頗類化施張赤地成海天
朋黨籌謀日夜聚羅如雷變化恒號為供奉縱還
下則足有識寒心竊以官列鍊恒號為供奉縱還
人同列鶴然則職實存羊夫陷父之義居家不為
孝子事君之後見名利豈為忠臣伏惟陛下教
化懲艾漢高凡曰名器不當限濫事之可謂德教

身則身輕舉其職則職重不然臣何故結冤權豪
之族輕踐危亡之機白日所臨赤誠可見况物如
脂賦近則汚人官若薰蕕固難同器誓以愚見義
不比肩干冒聖聰乞迴成命疏上當時謂之白衣
宰相時綢方守淮南上奏自治上乃貶蛻爲山陽
令縣

緯湘南人登咸通進士第詩二首見全唐詩湘南案
本漢縣今衡山衡陽湘鄉湘潭皆東漢後析置皆
得稱湘南也緯以古鏡詩著名見吟窗雜錄又據
言何謂湘南人業文詞嘗爲瀟湘賦天下傳焉少
遊國學同時有潘緯者以古鏡詩著名或曰潘緯
十年吟古鏡何謂一夜賦瀟湘今緯
詩猶存二首洧詩僅見全唐詩句

古今逢此夕其冀汎濛明豈是月華別祗應秋氣清影當

中上正輪對入荒平尋客徒甯望璿璣自有程

琴

客來鳴素琴惆悵對遺音一曲起於古幾人聽到今盡含
風靄遠自泛月煙深夙續水仙操坐生方外心

句

篆經千古澀影瀉一堂寒

古鏡見
吟窗雜錄

李濤

濤長沙人湖南通志稱其篇詠甚著膾炙人口溫
庭筠任太學博士主秋試濤與衛丹張邵等詩賦
皆勝於都堂語出撫言全唐詩亦引之但於紀事
中采其水聲常在耳山色不離門等句而已無全

詩也全唐詩又一李濤字信臣避地湖南事馬殷
後唐天成中舉進士歷事晉漢至宰輔入周封荅
國公後歸宋有春社從李昉乞酒詩一首又諧謔
詩一首當別是一人又唐舊臣亦有李濤朱溫篡
唐同朱棣光顏薨數輩挈家寓潭州每正旦長至
必序立南嶽祠前北望號痛後棣光家衡州濤北
歸此又是一人蓋一時有三李濤全五代詩合而
爲一又以作蒙求之李瀚爲李潯稱爲濤弟而以
濤性滑稽徵引濤答弟婦歇後語實之不足辨也
全唐詩知是兩人矣而於避地之李濤春社乞詩
後又引水聲長在耳句則仍爲一人亦未分別也

句

水聲長在耳山色不離門
埽地樹留影拂牀琴有聲

落日長安道秋槐滿地花

並見紀事

王璘

璘長沙人詞學富贍嘗應日試萬言科爲路巖所

抑杜策東歸放蕩湖湘閒以卒詩不見僅傳二語

唐樵言王璘長沙人詞學富贍詹事崔鉉廉問湖
南表薦於朝試於使院璘請十書吏皆給筆札璘
衫緋捫腹往來口授十吏筆不停綴首題黃河賦
三千字數刻而成復有鳥散餘花落詩二十首時
未亭午忽風雨暴至數幅爲迴隨所卷泥滓沾漬
璘復另搆十餘篇約已七千餘言鉉語試官曰萬
言不在試限但請召來飲酒黃河賦復有僻字百
餘請璘對衆朗宣旁若無人時路巖當軸遣一介
召之璘意在沽激曰請候見帝巖大怒亟命奏廢
萬言科璘杖策而歸放曠杯酒
隋一日與李羣玉

迎微龍羣玉曰公何許人璘曰目試萬言王璘羣
玉侍之甚浸因相與聯句羣玉破題授之璘畧不
符思至芍藥花開菩薩面授
欄葉散夜叉頭羣玉始屈

句

芍藥花開菩薩面
欄葉散野人頭
案但俗相傳此兩
人似稍馴雅

何涓

涓湘南人嘗作瀟湘賦爲時傳寫與潘緯同時詩
不見全唐詩錄其句於十一函中

句

雁影數行秋半逢漁歌一聲夜深發
詠瀟湘水

蔣鈞

鈞字不器營道人

句

因借夢書過竹寺學耕秋粟繞茅原

寄柳

芭蕉葉上無

愁雨自是多情聽斷腸

我豈詩有一夜不眠孤客耳
主人門外有芭蕉代爲之答

蔣密

密零陵人

句

綺羅因片葉桃李謾同時

詠桑

琬案此二語見全唐詩

所引詩註總語題爲詠桑今案

五代詩引零陵總龜云柘樹多叢生春簾食之其絲以
冷水纒之謂之冷水絲可爲琴瑟蔣密有詩云綺羅因此

木桃李謾同時則非詠桑矣然此
木不及片葉之工似以詠桑爲是

沅湘省舊集前編卷第二終